

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشد .

ممالك اجنبیه ده سنه لکی (۱۷)، الق
آیلر (۹) فرانقدر .

اداره خانه

باب عالی جاده سیده دائرة مخصوصه

اضطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه یازیلر اعاه
اولونغاز .

تذکره

۱۳۳۰

اضطارات

رساله مزید آن لیدیغی کو - ترمک شرطیلله
بتون یازیلر هر هانکی بر غزنه طرفندن
اقتباس اولونه بیلیر .

§

مکنوبیلرک، امضالرک و ضح و اوقوناقلی
اولمسی و آبونه صره نومروسى محتوی
بولونمسی لازمدر .

§

ممالك اجنبیه ایچون آبونه اولانلرک
آدرس لریشک هر انسزجه ده یارلمسی و جا
اولنور .

§

پاره کوندرلدیکی، ان لیه ده ثراولدیغى
راضعا بیلدیلمسی و جا اولنور .

شیرین

طرابلس - بنفاری :

بجاء من اسمك موفدانی - سلو مده السید محمد بن محمد
الشارف امضای قاهرده جیقان « الشعب » غزنه سنه کوندر بلن مکتوبده
اوطرف احوالی حقنده بوجه آتی معلومات ویریشدر :
ایتالیانلرک ۳۴ شوال تاریخده ابو قریفه موقعه طوغری سوق
ایلدکاری مهم قوتک اثنای راهده عربلر طرفندن آبلوقه ایدیلوب
اوزرلرینه دهشتلی آتش آچلمسیله بونلردن آنجق فرار ایدیلنلر
قورتوله ییلدرک دیکرلری اتلاف اولمش وبتون اسلحه واشیلری
عربلر طرفندن اغتنام ایدیشدر . بوندن بشقه سنوسی مجاهدلر دخی
طرابلس غریبه روما بانقهسی مأمورلرینه عائد اولوب حوزة القرقي
جهتنده رعی ایدلمکده اولان حیوانات ومواشینک کافهسنی ضبط
ایلشدر . بو مجاهدلرک بوکونه قدر ایتالیانلره عائد اولوق اوزره ضبط
ومصادره ایلدکاری قافلدرک عددی یتشه بالغ اولمشدر . بوضورتله
عربلرک قوه مغنویهلری ایله احوال سائرلری کوندن کونه ایلشیمکده .
در . عربلر بوکون طبروقدن اعتباراً عبادله قبائلنه قدر - محررالاسامی -
مختلف نقاطده تام اون قرارگاه مالکدرلر . فوز ونصرت دایما اولنلرک
رفیقدری اولوب ایتالیانلر دایما خوف وهراس ایچنده بولنیورلر .
ایتالیانلرک نه وقت استحکاملرندن چیققلرینی ایشیدیرلرسه بوخبری
عربلر بمنوینتله استقبال ایدیورلر . عربلرک درجه قوتی کوسترمک
ایچون کچنلرده عبادله موقعهده واقع اولان محاربیه ذکراتک کافیدر .
چونکه یدی کون ، یدی کیجه دوام ایدن بو محاربده ایتالیانلردن
اون درت بیک مقتول دوشمش وعربلر صای ایله ضبط واحصاسی
مکن اولیان اسلحه وجبخانه ایله حیوانات ومواشی وسائر اغتنام
ایلشدر . بتون بوقوت ومظفریتلره رغماً عربلرک موقعی ضعیف
ومتزلزل کوسترن حوادنلرک هپ ایتالیانلر طرفندن ویریلن معلوماتدن
مترشح اولدینی شهسز اولوب یوقسه عربلر تلغراف کبی سریع برواسطه
خبارده مالک اولدقلرندن نصرت وظفرلری حقنده کی معلوماتک نشرینه
طبیعتیه تأخرات وقوع بولمقدهدر .

قفقاسیا :

اسلاملری روس مکتبلرینه ملب ایچوره - آتیده کی فقره ، قفقاسیا
والی عومیسنک بوسنه روسیه ایمپراطورینه تقدیم ایتدیکی راپورندن
مستخرجدر :

« قفقاسیهده ساکن اقوامده حسن مایت قوتلی دکدر . بناءً علیه
منتظم ومکمل روس مکتبلری ایله قفقاسیهده روس مدینتک لایقیله نشر
ایدیلجکی بر امر محققدر . اسلام اطفالنه مخصوص روس مکتبلرنده
علوم دینی لایقیله تدریس ایدیلجک اولورایسه اسلاملرک روس مکاتبه

تمامیه رغبت ایدجکی وروس مکتبلرینک اسلام اهالی آرهسنده بستیون
تعمم ایدیلجکی شبهه سزدر .
« ذاتاً قفقاسیهده بولنان شمیدیکی اسلام مکتبلرنده مقتدر وایی معلملر
یوقدر . ترکیه دن کان معلملره بالذات اهالی بیله نظر اشتباه ایله باقیور .
بوندن بشقه اسلام مکابنده طلبیه برچوق آیات قرآنیه عبارده عربیه سی
اوزره از برلندیرلکده بو صورتله طلبه نك ذهنی یورغون دوشوب
تحصیلی کچمکده اولدیندن اسلاملر بومکتبلرده سرعتله ترقی وتحصیلدن
اثر کورمیورلر . اسلاملر کندی مکتبلرینک بو حالنی سرعتله ومکمل
صورتله تدریساتده بولنان روس مکاتبی ایله مقایسه ایدرک نهایت کندی
مکتبلرینی بستیون ترک ایدجکلری واسلاملر آرهسنده روس مکتبلرینک
تقرر وتعمم ایدجکی محققدر . »

روسیه :

علماً نقص صیام ایدندر مقصد علمانک روس مکتبده مراجعتی -
پترسبورغده انتشار ایتکده اولان « مسلمان غزنه سی » صوک نسخه سنده
« بزم حضرتلر » یعنی روسیه اسلاملری علماسی سرنامه سی آتنده
یازمش اولدینی بر مقاله ده روسیه ده بعض اماملرک حکومه مراجعت
ایدرک رمضان شریفده اسلاملرک علناً نقض صیام ایلدکاری بیان
ایله بوندن صوکره علناً نقض صیامک پولیس معرفتیه منع ایدلمسینی
التماس ایلدکاری خبرینی نقل ایتدکن صوکره دیورکه :
« بوکی مناسبتر لکر اولان یرلرده مسلمان کنجلیرینک اخلاقی
نه درجه ده اولدینی بیلیمورز . فقط بو وقعه منالارک فصل برده نیتده
اولدینی بک کوزل کوستریور . فی الواقع کنجارد اعمال دینییه قارشی
پولیس قوتنه مراجعت ایتکدن بشقه چاره کورلمه سی خطادر . بوکی
خصوصاً تده علمانک کنجلیرک روحنه نفوذ ایدرک حکیمانه تلقینات ایله
تصحیح واطلاح اخلاق ایتلری لازمدر . حال حاضرده چاره سی اولان
اصوان وعظ غایت ناقص اولوب قطعاً عقل وحکمته مقارن دکدر .
اگر صنف علما بحق وظیفه ارشادی ایفا ایلسه عجزه دلالت ایدن
پولیس مراجعت کبی بی قائده تدبیرلره تشبیه مجبور اولمازلردی . »

الراجاء انباء :

وطنداشلاق ۱

عثمانی مبعوثلرندن ! قوزمیدی نك ۲۷ شعبان ۱۳۳۱ - ۱۸ تموز ۱۳۲۹
تاریخنده کوملجدهده یونان بایراغی رکز ایتدیکی کون ایراد ایتدیکی
نطقک اوراده حاضر بولونان برذات طرفندن عیناً ضبط اولونان صورتیدر :
« ای االی ! شو دیکلین سنجاق یونانستانک عادل سنجاغیدر . بوسنجاق
دیکلینکی محارری عدالت نوریه نورلاندیرمشد . سز شیمدی به قدر کوره مدیککز
عدالت وحری حقیقه یی انجق بوسنجاق آتنده کوره جکسکز . بونی سزه یونان
حکومتی نامنه بیان ایدرم وسزی صمیمتله تبریک ایلرم . زیتو قسطنطین ! زیتو
ویزه لوس ! » شاق ! شاق ! شاق !

« توسیع طباعت » مطبعه سنده
باصیلشدر

ع . اشرف ارباب